

ANNOTATIO VI.

De Fractione Panis in Cœna, *ad*

p. 73. -- 75.

§. I.

Sicuti Baptismus, apud Fratres Lutheranos, deformatus nonnihil cernitur, per Exorcismum, rem non merè adiaphoram; ita non minùs S. Cœna, per Orbicularis Panis, non fracti, in ora Communicantium Ingestionem, ceu rem, Exorcismo haud immeritò æquiparandam, quin, pro tribus suis Partibus, tribus vitiis, in singulis Partibus à nobis in apricum producendis, scatentem, quò pateat, tertium hunc numerò Riturum, non adiaphorum planè, jure omni, ab Autore dictum esse, postquam in antecessum, ad Æquivocationem omnem è medio tollendam, annotavero: (1) per *PANEM ORBICULAREM*, non intelligi grandiore crassiorumque quandam Panis veri massam, in Orbis seu Coronæ formam redactam, qualem jam *Ephraim* tempore in usu fuisse ex Voce *τρογγυλοειδής*, vel, globi instar, rotundam, vel oblongam simul Formam denotante, ex facili daremus colligi posse, & in S. Cœna, citra omne vitium, adhiberi nulli dubitaremus, quò de videatur *David. Pareus in peculiari Tractatu Germanico vom Brod und Brodbrechen im Heil. Abendmahl Cap. 4.*